



**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001  
RAČUN: 3387302205238447, UniCredit banka d.d. Mostar, BiH

Vrsta dok.	Izdavač	RB
<b>DOP</b>	<b>5 01</b>	<b>2336</b>

Strana:  
1 od 1

Broj protokola: **05-1-25-1-3952-29/23**

JAVNO

**DATUM:** 06.10.2023. godine

**PRIMALAC:** **PRAG d.o.o. Sarajevo**  
**INELEX d.o.o. Sarajevo**

**PREDMET:** Obavijest o izboru ponuđača u postupku nabavke robe:  
Izrada monografije o kapitalnim projektima Društva

**VEZA:** Naš broj: 3952/23

Poštovani,

na osnovu člana 71. Zakona o javnim nabavkama ("Službeni glasnik BiH", broj 39/14 i 59/22) obavještavamo vas da je, nakon okončane procedure prikupljanja ponuda za nabavku robe: Izrada monografije o kapitalnim projektima Društva, provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, za nabavku predmetne robe prihvaćena ponuda ponuđača INELEX d.o.o. Sarajevo.

S poštovanjem,



Prilog: Odluka o prihvatanju ponude;

**DOSTAVLJENO:**

1. Ponuđačima
2. Upravi Društva
3. Sektoru za administrativnu podršku
4. a/a

DOPPR 05-00 03 01 Dopis, 1. izdanje/Rev 0



Tel: Fax: E-mail:

INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	ops@sarajevo-airport.ba
WEB	www.sarajevo-airport.ba		



<b>U P R A V A</b>	Strana: 1 od 1
Broj protokola: 05-1-25-1-3952-28/23	JAVNO

Datum: 06.10.2023. god.

Na osnovu člana 70., a u vezi sa članom 88. Zakona o javnim nabavkama („Službeni glasnik BiH“, broj 39/14 i 55/22) i člana 45. Statuta J.P. Međunarodni aerodrom "SARAJEVO" d.o.o. Sarajevo, te na osnovu izvještaja i preporuke Komisije za provođenje postupka javne nabavke robe: Izrada monografije o kapitalnim projektima Društva, broj: 05-3-25-1-3952-27/23 od 04.10.2023. godine, Uprava J.P. Međunarodni aerodrom "SARAJEVO" d.o.o. Sarajevo, na 167. sjednici, održanoj dana 06.10.2023. god., donosi

## O D L U K U

### I

Za nabavku robe: Izrada monografije o kapitalnim projektima Društva, prihvata se ponuda ponuđača INELEX d.o.o. Sarajevo, broj 1809/23, zavedena na protokol Naručioca dana 18.09.2023. godine, pod brojem: 06-2-25-1-3952-18/23, u iznosu od: 30.000,00 KM (slovima: tridesethiljada KM), bez PDV-a.

### II

Izabrani ponuđač je, u roku od sedam radnih dana od dana prijema Obavijesti i ove Odluke o prihvatanju ponude, dužan dostaviti Naručiocu originale ili ovjerene fotokopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude.

### III

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

## O b r a z l o ž e n j e

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Izrada monografije o kapitalnim projektima Društva, direktor J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) donio je Odluku o pokretanju postupka predmetne nabavke, broj: 05-3-25-1-3952-13/23 od 21.08.2023. god., a Rješenjem, broj: 05-1-25-1-3952-17/23 od 01.09.2023. god., imenovao Komisiju za provođenje postupka.

U skladu sa naprijed navedenom Odlukom, Naručilac je dana 01.09.2023. godine na portalu javnih nabavki objavio obavještenje o nabavci, broj obavještenja: 246-7-1-103-8-20/23. Do ostavljenog roka za predaju ponuda, 19.09.2023. god., do 12,00 sati, na adresu Naručioca ponuda su dostavila dva ponuđača, i to PRAG d.o.o. Sarajevo i INELEX d.o.o. Sarajevo. Na javnom otvaranju ponuda, održanom isti dan u 12,30 sati, bez prisustva predstavnika ponuđača, pročitani su nazivi ponuđača i ponuđene cijene, i to PRAG d.o.o. Sarajevo: 29.212,50 KM, bez PDV-a i INELEX d.o.o. Sarajevo: 30.000,00 KM, bez PDV-a

Nakon javnog otvaranja ponuda, Komisija se sastala radi detaljne analize ponuda, te je konstatovala sljedeće:

#### 1. Ponuda PRAG d.o.o. Sarajevo

Prilikom detaljnog pregleda ponude ovog ponuđača Komisija je utvrdila da ponuđač nije pripremio ponudu u skladu sa zahtjevima iz tenderske dokumentacije. Naime, ponuđač je prilikom popunjavanja obrasca za cijenu ponude „samostalno“ izmijenio obrazac, tako što je dopisivao rubrike, čime je počinio propust da ponudu nije dostavio na odgovarajućem, zadanom obrascu.

Imajući u vidu da je ponuđač dužan, u skladu sa članom 57. stav (1) Zakona o javnim nabavkama, pridržavati se svih zahtjeva i uslova iz tenderske dokumentacije, a s obzirom da ponuda ne ispunjava sve zahtjeve iz tehničke specifikacije, Komisija je predložila da se ponuda, u skladu sa članom 68. stav (4) tačka i), odbaci, te da se ista proglasi tehnički neispravnom i neprihvatljivom za Naručioca.

#### 2. Ponuda INELEX d.o.o. Sarajevo

Prilikom detaljnog pregleda ponude utvrđeno je da je ponuda ovog dobavljača formalno-pravno, tehnički i računski ispravna, te je ova ponuda ocijenjena prihvatljivom.

Za predmetnu javnu nabavku bila je predviđena e-aukcija, ali imajući u vidu da je zaprimljena samo jedna prihvatljiva ponuda ona nije provedena.

S obzirom na naprijed navedeno, Komisija je predložila Upravi Društva da se ponuda ponuđača INELEX d.o.o. Sarajevo prihvati, te ugovor u vrijednosti od 30.000,00 KM, bez PDV-a dodijeli ovom ponuđaču.

Vrsta dok.	Izdavač
<b>ODL</b>	<b>5-01</b>

Strana: 2 od 2
-------------------

JAVNO
-------

Uprava Društva je na svojoj 167. sjednici, održanoj dana 06.10.2023. god., razmotrila Izvještaj i preporuku Komisije, te je, nakon uvida u vođeni postupak, istu i prihvatila.

S obzirom na naprijed navedeno, Uprava Društva je, na osnovu člana 70. Zakona o javnim nabavkama, donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučenom poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.



Prilog: Zapisnik o pregledu i ocjeni ponuda;

**DOSTAVLJENO:**

1. Ponuđačima
2. Upravi Društva (orig.)
3. Sektoru za administrativnu podršku
  - Služba za komercijalne poslove (orig.);
  - Služba za pravne poslove i protokol;
4. Sektoru razvoja, tehnike i standardizacije
5. a/a